

# Hylli i Dritës

*Ubi Spiritus Domini, ibi libertas.*

(II. ad Cor. III. 17).

1. Tager e Drejtí	Fq. 489
2. Andrra çuet e andrra fjetë	„ 499
3. Botimi i një vepre monumentale	„ 505
4. Nâna Shqyptare ( <i>vjerrshë</i> )	„ 508
5. Per historín e Alfabetit shqyp	„ 514
6. Njizetepêsvjetori i Kongresit të Monastirit	„ 519
7. Urtí e burrní nder banorë të Cemít	„ 525
8. Biblioteka e „Hyllit“	„ 536
9. Quo Vadis...? — Pj. II. — 1	„ 1-8

## — PAJTIMTARVE —


**Porositen mos me e vonue pajtimin njata pak zotni, qi enë nuk janë ndreqë me administratë t' onë.**

---

*Drejtimi mban tagrin mbi çdo artikull, qi botohet në ket të Perkohishme, tue ndalue njitherit edhe çdo rishtypje a perkëlfhim.*



## Tager e Drejtsí.



Me fjalen tager na ktu duem të kuptojm njat rendim e caktim të drejtash qi kjenë e jânë gjithnji në fuqí e jo nji rregullim bâ ashtu sido, neper të e mas mirakandes të njanit a të tjetrit; kuptojm nji rregullim tagresh, qi të mârre mostjeter para sÿsh mârredhanjet e pergjithta të nierzve, tuj i drejtue mas dritës s' idés së tagrit. Sado të ndryshme e jo gjithmonë të parapâshme të jén vendimet e veçanta, të gjitha do të shkrepin së mrami në qellim qi mos me i dhânë jetës shoqnore kah nji *kaos*, por me e bâ të jét nji *kosmos*. Por me gjithse qellimi i rendimit të tagreve âsht aq i nevojshem, dihet gjithnji se sa pûnë e vishtír âsht të shtíhet në veprim. Kah rrjedbë nevoja e tij, kah vînë vishtirsít qi me e qitë në pûnë?

Nieri nuk âsht si nji Robinson, qi të jetojë i vetmuem kund në ndonji ishull; as nuk âsht mí tokë qi të shkojë nji jetë eremite. Natyra e tij trupore e shpirtnore, të dhânunt e tij mas perplotsimit e dishiri i komunikimit na flasin çiltas se aj âsht bâ per shoqí, pa të cillen aj kishte me metë si i gjymtuem. « Sikurse nieri në plotsim të vetin âsht gjallnori mâ bujari, thotë Aristoteli, kshtu aj, shkputë prej ligjës e prej tagrit, del mâ i keqi nder të gjith. Por nieri bjen në lâinë të jetës shterngue me vetí të veta shpirtnore e morale, armë të cillat, si kurrkund tjera, mund të perdoren per qellime krejt të perkunderta » (per të mirë e per të keq). Pra, po deshtem qi nierzt mos të lshojn si ujq të terbuem, lypet qi të shterngohen hovet e vrashta t' epsheve në të, tuj u caktue megjet. Nevoja e nji rregullimit të pergjithtë e të perbashkët âsht e domosdoshme.

